



REPUBLIKA E SHQIPËRISË
MINISTRIA E FINANCËVE DHE EKONOMISË
DREJTORIA E PËRGJITHSHME E DOGANAVE
DEPARTAMENTI ADMINISTRATIV
DREJTORIA E MENAXHIMIT TË BURIMEVE NJERËZORE

Nr. 20944 Prot

Tiranë, më 14.9.2018

Lënda: Njoftim për shpallje konkurimi

Për publikim: Drejtorisë së Teknologjisë së Informacionit ✓

Drejtoria e Përgjithshme e Doganave, në zbatim të Ligjit 102/2014 datë 31.07.2014 "Kodi Doganor i Republikës së Shqipërisë", i ndryshuar dhe Ligjit 7961 datë 12.07.1995 "Kodi i Punës i Republikës së Shqipërisë", i ndryshuar, dhe VKM-së 921 datë 29.12.2014, i ndryshuar, shpall konkurimin e hapur për pozicionin:

- **Specialist** në Sektorin e Mallrave të Rrezikshme, Dual Use, Trafiqeve të Paligjshme, në Drejtorinë e Antitrafikut, Kategoria C1, Kategoria e pagës III-b (1 vend)

Kandidatët duhet të plotësojnë këto kritere:

1. Të kenë shtetësi shqiptare;
2. Të gëzojnë shëndet të mirë për të kryer detyrat e tyre;
3. Të mos kenë qenë të dënuar për krime dhe që nuk gjykohen për një çështje penale në ngarkim të tyre;
4. Të mos kenë qenë larguar më parë nga administrata shtetërore për thyerje të disiplinës ose shkelje të tjera serioze;
5. Të zotërojnë diplomë të nivelit të Lartë "Master Profesional" në Shkencat Ekonomike, Juridike, Natyrore, Politeknike;
6. Të kenë njohuri të mira në përdorimin e kompjuterit;
7. Të ketë eksperiencë pune të paktën 1 (një) vit;
8. Të ketë njohuri të gjera të fushës, të metodave kërimore që ndihmojnë në përgatitjen e raporteve bazike ose analitike, aftësi për të integruar informacionin me politikat institucionale, aftësi për të identifikuar dhe qartësuar çështje, për të dhënë mendime alternative të mbështetura në përvojën profesionale, aftësi për të vlerësuar opsione politikash dhe për të parashikuar pasojat nga përzgjedhja e tyre;

9. Njohja e gjuhës angleze (gjuhë e dytë avantazh);
10. Pajisja me Certifikatë Sigurie nga Drejtoria e Sigurimit të Informacionit të Klasifikuar përbën avantazh.

Përshkrim përgjithsues për pozicionin:

1. Përgatit dhe pasuron në mënyrë të vazhdueshme profilet e analizës së riskut dhe ja paraqet për miratim dhe procedurë të mëtejshme Drejtorit të Drejtorisë Antitrafik
2. Trajnon për fushën që mbulon sa herë që i kërkohet për strukturat që merren me luftën kundër trafikimit të mallarave që kanë ndalime e kufizime.
3. Përgatit manuale teknike për kontrollin e mallrave që i nënshtrohen ndalimeve e kufizimeve.
4. Përgatit manuale teknike për pajisjet e kontrollit, për mjetet që kontrollojnë radioaktivitetin, dallimin e ozonholluesve e të tjera brenda funksionit që mbulon sektori.
5. Përgatit materiale përgjithsuese për rastet e shkeljeve, duke evidentuar metodat e reja të përdorura në trafikim të materialeve, që mbulon sektori, duke përditësuar dhe bazat e të dhënave që disponon Drejtoria Antitrafik për rastet e kapjeve.
6. Analizon përpunon dhe shqyrton informacionet apo të dhënat që disponon dhe i vë në funksion të përmiresimit të sistemit të kontrollit doganor për parandalimin e trafiqeve të paligjshme dhe garantimit të sigurisë kombëtare.
7. Kryen inspektime në degë apo pika doganore (të planifikuara apo të paplanifikuara) veçmas apo në bashkëpunim me struktura të tjera dhe raporton te Drejtori i Drejtorisë Antitrafik apo Zv/Drejtori i Përgjithshëm i DOH për rezultatet e inspektimit

Kandidatët duhet të dorëzojnë dokumentet si më poshtë vijon:

1. Kërkesë për marrje pjesë në konkurim;
2. Curriculum Vitae (dhe letër motivimi);
3. Diplomë dhe Listë Notash të noterizuar;
4. Dëshmi Penaliteti (do të vihet në dispozicion nga Drejtoria e MBNJ pas plotësimit të formularit të vetdeklarimit);
5. Vërtetim nga Gjykata;
6. Vërtetim nga Prokuroria;
7. Raport mjeko-ligjor;
8. Fotokopje karte identiteti;
9. Fotokopje të librezës së punës;
10. Fotokopje të kurseve kualifikuese;
11. Letër referencë dhënë nga punëdhënësi/epropri direkt i pozicionit të fundit.

Nuk pranohen në konkurim kandidatët që nuk plotësojnë kriteret e përcaktuara më sipër.

Procedura e përzgjedhjes bëhet nëpërmjet vlerësimit të dosjes personale dhe me intervistë. Kandidatët që marrin mbi 50 pikë në vlerësimin e dosjes konsiderohen të kualifikuar për të marrë pjesë në intervistë. Kandidatët e përzgjedhur duhet të marrin mbi 70 pikë në intervistë. Rezultatet e intervistës bazohen në vlerësimin e përvojës, në kualifikimin dhe aftësitë e kandidatit.

Data e intervistës do të caktohet në një njoftim të dytë.

Për të qenë pjesëmarrës në konkurrim, personat e interesuar duhet të dorëzojnë dokumentacionin e kërkuar brenda datës 21.09.2018, ora 16:00 pranë Drejtorisë së Menaxhimit të Burimeve Njerëzore.

DREJTOR I PËRGJITHSHËM
Belinda Ikononi

